

पोयराहा खातोर बाईबल  
आमीज

माआहा दुखा  
सुरवात



द्वारा लिखित: Edward Hughes

द्वारा चित्रित: Byron Unger; Lazarus  
Alastair Paterson

द्वारा अनुकूलित: M. Maillot; Tammy S.

द्वारा भाषांतर: रमेश वसावे

द्वारा निर्मित: Bible for Children  
[www.M1914.org](http://www.M1914.org)

©2022 Bible for Children, Inc.

लाइसंस: तुमा इयाल नाहा वेची सेकता, जांव लुग तुमाहान इयो  
काहानी कॉपीकेरा आन प्रिंट केरा अधिकार नाहा हाय.



परमेश्वराय बादों काय बनाव्यो! जांहा  
परमेश्वराय पेअलो माआहुं आदम बनाव्यो,  
ताआ तोअ तिया पत्नी आरी अदन बगीसाम  
रेतलो आथो. तें परमेश्वरा आदन्या पालन  
केअतें पुरो दिहीतिया  
हुजुरी आनंद लेते  
पुरेंपुरें खुश आथें.



"काय परमेश्वराय  
तुमाहान आख्यो का  
बादा चाडवांहा फल नाय  
खावनु?" हापाय हव्वाल  
पुछ्यो. "आमा हरएक फल खाय सेकतेंह, पेन एक  
तीयोय उत्तर देदों." जर आमा तिया फल खादों किंवा  
आथ बी लागव्यो तेबी मोय जाहुं. "तुमा नाय  
मोआ," हाप ओहोयो. "तुमा'  
परमेश्वरा होच बनी जाहा."  
हव्वाल तिया चाडवा फल  
जोजतलो आथो. तियोय हापा  
गोठ मानीं लेदी आन फल खादों.



हव्वाय परमेश्वरा आदन्या नाय  
माननुसे तियोय आदामाल बी तों  
फल खां खातोर उकसाव्यो. आदमाल  
आखनु आथों "नाय! आंय परमेश्वरा  
आदन्या नाय टालुं."





जाहा

आदम आन हव्वाय

पाप केअयो, ता तें बेनी जांआतलें का

आमा नागडे हाय. तियाहाय अंजिरा चाडवा पानाहान

हिविन पोवी लेतलें आन तियाकी नागडोंपन दबी जातलों

आन परमेश्वरा उपस्थितीकी झाडीम दबी जातलें आथें.



हेली वखत वाअतिवेल परमेश्वर बगीसाम आलो. तोअ  
जांआतलो का आदम आन हव्वाय काय केअलो आथों.  
आदमाय हव्वाल दोषी ठरवी. हव्वाय हापाल दोषी  
ठरव्यो. परमेश्वराय आख्यो. "हाप शापित हाय.  
पोयरे पैदा वेअतीवेल स्त्रील वेदना वेरी."  
"आदम, काहका तुर्ये पाप केअलो हाय,  
तरती कांटाहा आन कांटाकी शापित  
हाय. तोअ रोज्यो मांडा खातोर तूं  
मेहनत आन  
गजारो पाडोहो."





परमेश्वराय आदम आन  
हव्वाल सुंदर बगीसामेने बारे  
काढी देदे. काहका तियाहाय  
पाप केअलो आथो. तें जीवन  
देणारा परमेश्वरायने  
अलग वी गिये.







परमेश्वराय तियाहान दूर  
राखा खातोर एक धगधगती  
तलवार बनावी. परमेश्वराय आदम  
अन हत्वा खातोर चामडा कोट  
बनाव्या. परमेश्वराय  
चामडो किहीने  
लेदो?




काहिक समया बाद आदम आन हव्वा एक पोयरा जन्म  
वेअयों. तियाहा पेअलो पोयरो कैन एक माली आथो. तियाहा  
बिहीरो पोयरो हाबेल एक ढोरक्यो (चरवाह) आथो. एक दिही  
कैन परमेश्वराल भेट म्हणून काहीक भाजीपालो लीइ आलो.  
हाबेल तिया हाराम हारी बकडीहिमेने काहीक

परमेश्वरा खातोर भेट  
म्हणून ली आलो.


हाबेला भेटील  
परमेश्वर खुश  
विइ गियो.



परमेश्वर कैना भेटीकी नाराज वेअयो.  
कैन खुबुज क्रोधीत वेअयो. पेन  
परमेश्वराय आख्याँका जर तूं बी इं  
केअ जों हारों हाय, ता काय तुल  
स्विकाराम नाय आवे का?



काईना क्रोध शांत नाय वेअयो.  
काहीक समया बाद तियाय  
मैदानाम हाबेलावे हमलो केअयो  
आन हाबेलाल माय टाक्यो!



परमेश्वर काइना आरी गोग्यो. "तोअ पावूहु हाबेल किहीं हाय?" "मान नाय मालूम", काइन खोटो गोग्यो. "काय आंय मांआ पावाहा राखवालयो हाय?" परमेश्वराय काइना खेती केअनु ताकत काडी लेदी आन तियाल फिरांग्यो बनावीन दंडित केअयो.



कैन परमेश्वरा हुबरणे निगी गियो. तिया वोराड आदम  
आन हच्वा एक पोयरी आरी वेअर्योँ. तियाहाय एका  
परिवारा पालन-पोषण केअर्योँ. माहारिज तिया  
नातू-पंतुंहंय तोअ शहर पोय काडर्योँ  
जोँ तियाहाय स्थापित केअलो आथो.



इया समयाम, आदम आन हव्वा परिवार तेजिकी  
वादतां लाग्यो. तिया दिहाम लोक आज्यापेक्षा  
खूब दिही लुग जीवता रेतला आथा.



जांहा तिया पोयरो शेता जन्म वेअर्यो, तांहा हव्वाय आख्यो, परमेश्वराय हाबेला जागावे मान शेत देदो. शेत एक धार्मिक व्यक्ती आथो जो 912 वोरेंह जीवतो आथो आन तिया काहीक पोयरे आथे.





जेहकी-जेहकी एक पिढीबिहरी पिढी अनुसरण केअती  
गियी. तेहकी-तेहकी संसारमे लोक खूब दुष्ट  
वेअता गिया. शेवटी परमेश्वराय माआहा जात  
नाश केरा निर्णय लेदो आन बादें जानवर  
आन चिडे. परमेश्वराल खेद आथो का  
तियांय माआहुं बनावलौं  
आथौं.



पेन एका  
माआहांय परमेश्वराल  
प्रसन्न केअलो ...



तोंअ माआहं नोहो आथों. शेता वंश, नोह धर्मी आन  
निर्दोष आथों. तोअ परमेश्वरा आरी चालतलो. तियांय  
तिया तीन पोयरांहान बी परमेश्वरा आज्ञा पाला  
हिकव्या. आमी परमेश्वराय नोहाल खुबुज

मजबूत आन खास  
रितीकी उपयोग केरा  
योजना बनावी.



माआहा दुखा सुरवात

परमेश्वरा वचन बायबला एक कहानी

इयाम मिलेह

उत्पत्ति 3-6

"तुमा शब्दाहा प्रवेश उजवाडो देहे."

भजन 119:130



सेवट



बायबला कहानी आमाहान अद्भुत परमेश्वरा  
बाबतींम आखेह जियाय आमाहान बनाव्या आंन  
तिया इच्छा हाय का आपु तियाल जांआजी (ओअखुजी).

परमेश्वराल मालूम हाय का आमाहांय खाराब कामे केअरेंह,  
जियाहान तोंअ पाप आखेह. पापा सजा मौत हाय, तेबी परमेश्वर  
आपुहुंवे ओतो प्रेम केहे का तियाय तिया एकूलतो पोयरो, इशूल  
कृसावे मोरा आन तुमाहां पापाहां सजा खातोर मोकल्यो. फाची  
इशू जीवतो वेअयो आन होरगाम तिया कोअ गियो!

जर आपु मानता वेअरी इं खेरो हाय, ता परमेश्वराल एहेकी आखा:  
प्रिय यीशू, मां विश्वास हायका तूं परमेश्वर हाय, आन मां पापाहा  
खातोर मरा खातोर एक आदमी बनी गियो, आन आमी फाचो जीवतो  
बनी गियो. कृपा किइन मांआ जीवनाम आव आन मांआ पापाहान  
माफ केंअ, का आंय आमी नवो जीवन मिलवू, आन एक दिही कायम  
तोअ आरी रिई सेकुं. मान तोअ आज्दन्या माना खातोर मदत  
केअ आन तोअ पोयरा होच तोअ खातोर जीवूं. आमेन.

बायबल वाचा आन रोज परमेश्वरा आरी गोठया केरा. योहान 3:16

